



UNIVERSITÄTS-
BIBLIOTHEK
PADERBORN

Universitätsbibliothek Paderborn

Incarnatio Mystica Sive Christiformitas

Roger, Nicolaus

[Erscheinungsort nicht ermittelt], Anno MDCLXXXIV.

Cap. IV. Quadruplex dispositio proxima ad Christiformitatem praecursor
Mysticus.

urn:nbn:de:hbz:466:1-37940

sto in Jordane , id est baptizatis incubantem , donec formetur Christus in illis: Ipsa dilectio specialis Christi JE-SU virtus est altissimi , quam supervenire Christiformandæ animæ oportet , est ipsa virtus Christiformatrix , ille ignis quo conflantur Christiformes. O ignis qui semper ardes & nunquam extingueris charitas deus meus accende me! O Columba cœlestis obumbra cordibus nostris remigio alarum tuarum , ut sit spiritus ante faciem nostram Christus Dominus , sicut ait Propheta (c) & in umbra ejus actua vivemus in gentibus. Amen.

(c) Thren. 4.

C A P U T IV.

Quadruplex Dispositio proxima ad Christiformitatem: Præcursor Mysticus.

§. I.

Confessio suæ infirmitatis.

Qui suam, infirmitatem dicam an informitatem , an etiam deformitatem ac miseriam? non sentit, non

B 2

quæ-



quærit Christiformitatem, non currit ad medicum, non clamat misericordiam. Qui veteris aeterni Adæ morbum, ac serpentis mortuum in se non agnoscit, quomodo novum ac cœlestem Adam invocabit? Nesciens homo dum descenderet in Jericho spoliatum se ab latronibus, & plagiis acceptis semivivum relictum, Samartani transeuntis misericordiam & opem negligit, Christum indui non curat. Plenus seipso, Christo vacuus pauper est, cœcus, & miser, & miserabilis, & dicit tamen quia dives sum, & nullius egeo. Atqui tum incipit anima præparari Christo cum conscientiâ propriæ infirmitatis, ac nihili gratiæ sibi coævi cognatiæ compungitur. Magno planè Dei consilio (ut notat S. Thomas 3. p. qu. 1. art. 5. ex glossa ord.) factum est, ut post hominis casum non illico Dei Filius mittetur. Reliquit enim Deus prius hominem in libertate arbitrii in lege naturali,

turali, ut sic vires naturæ suæ cognosceret, ubi cùm deficeret, legem accepit, qua data invaluit morbus, non legis sed naturæ vitio, ut ita cognita sua infirmitate, clamaret ad medicum, & gratiæ quæreret auxilium.) Quanquam non usquequaque Deus dereliquit hominem. (a) Semper enim hoc humano restat arbitrio, non ut impleat homo justitiam cùm voluerit, sed ut se supplici pietate convertat ad Deum (nec sine gratia) cuius dono eam possit implere. Suppedavit ergo per Christum gratiæ quantum saltem sufficeret ad impe- trandum, unde pareret homo legi, tum naturæ, tum positivæ, at parcìus id quidem venturi Salvatoris aut ignarioribus aut negligentibus, unde creberet in scelera lapsus luce gratiæ in tenebris peccatorum alluente configiendum ad authorem gratiæ & consummatorem JESUM admonebat. Hanc

B 3 spon-

(a) August. l. 1. ad Simp. q. 1.

sponsi amicus ac præparator sponsæ
Joannes præmonstravit in se informi-
tatis ac indignitatis confessionē præ-
viam Christiformitatis. Christum rati-
quidam in illo Evangelii crepusculo
supremos ei honores destinabant , si
annueret: Imò cùm tantæ virtutis es-
set,inquit S. Gregorius,(b) ut Christus
credi potuisset, elegit solidè subsistere
in se,ne humana opinione raperetur
super se: Nam confessus est, & non ne-
gavit,& confessus est,quia non sum e-
go Christus. Cùm ergo non vult ap-
petere nomen Christi,factus est mem-
brum Christi, quia dum infirmitatem
suam studuit humiliter agnoscere, il-
lius celitudinem meruit veraciter
obtinere.) Ac vide quantum obti-
nuit ; infra corrigiam calceamenti se
deprimit , negans dignum se solvere
corrigiam calceamenti ejus , & ecce
supra caput baptizati baptizans eri-
gitur. Agnosce ergo miseriam & de-
for-

(b)Hom.7.in Evang.

formitatem tuam, quamdiu Christus
in pectore tuo formatus non est. Si
agnoscis peccata tua, ipse ignoscit, si
confiteris infirmitatem tuam, ipse sa-
nat, ipsa confessio initium sanitatis
est. (c) Omnis qui non vult videre
peccata sua, post dorsum se ponit,
(horret nimirum videre deformita-
tem suam) & quid dicit Deus? ar-
guam te, & statuam te ante te, modò
te non vides, facio ut videoas te, quia
si videres te, & displices tibi, place-
res mihi; quia verò te non videns pla-
cuisti tibi, displicebis & mihi, & tibi:
mihi cùm judicaberis, tibi cùm arde-
bis. Quod post dorsum posuisti ante
faciem ponam, videbis fœditatem
tuam, non ut corrigas, sed ut erube-
scas. Modò ergo tu fac quisquis talis
es, quod tibi minatur facere Deus:
tolle te à tergo tuo, ubi te videre non
vis, dissimulans à factis tuis, & consti-
tue te ante te. Ascende tribunal men-

B 4

tis

(c) Aug. Psal. 49.

32 CHRISTIFORMITAS,
tis tuæ, esto tibi Judex, torqueat te timor, erumpat à te confessio, & dic deo tuo: quoniam iniquitatem meam ego cognosco, & delictum meum ante me est semper: quod erat post te, fiat ante te, ne tu ipse postea à Deo judice fias ante te, & non sit quò fugias à te.)

§. 2.

2. *Dispositio. Sublimis Aëstimatione Christiformitatis.*

Magnifice prædicat sponsum amicus sponsi Joannes non sibi zelans, sed sponso. Ipse, (a) inquit prolixas laudes summatim concludens, ipse super omnes est, & ad illum mittit clientes ac discipulos sibi addictos, quò totum ei amorem consecrent, pietatemque devoveant. Potuitne magis commendari in Christo Christiformitas nostra? ut ille super omnes est, ita super omnes devoti pectoris affectus ac exercitationes eminet Christiformitas

(a) Ioann. 3.

mitas sive dilectio Domini IESU singularis. Hæc animam dilecto similem facit, ideoque certissimus est filiorum Dei sive prædestinatorum character, *Quos præscivit & prædestinavit conformes fieri imaginis filij ej^o. b) i. christiformes.* Sanè si terram diligendo terra es, audeo dicere Christum diligendo Christuses, sive Christiformis. Quid enim talis dilectio, nisi fornax ardentissima quæ consumpta rubigine veteris hominis colliquefactam animam transfundit in Christi formam, ut meritò exclamat cum Apostolo: *Vivo ego iam non ego, vivit verò in me Christus.* (c) Ille est ignis quem Dominus Jesus venit mittere in terram, & quid volo, inquit, nisi ut accendatur vehementer? Nempe usque ad consumptionem nostri, & consummationem Christi in nobis. Nulla expeditior purgandæ mentis ratio, quam in istam specialis dilectionis Christi flammam projectio sui.

B 5

Nul-

(b) *Rom. 8.* (c) *Gal 2.*

Nulla potentior vis ad abigendos
procul Cacodæmonas, ajebat B. An-
tonius. Et verò quid est sapientia
Christiani, inquit S. Salviatus, quid
nisi timor & amor Christi? Non glorie-
tur sapiens in sapientia sua, (d) dicit Do-
minus, & non glorietur fortis in fortitu-
dine sua, & non glorietur dives in divitiis
suis: sed in hoc glorietur, qui gloriatur scire
& nosse me, id est, Christum diligere.
Ecquid denique prodest nobis Chri-
stus nisi dilectus, & formatus in nobis?
(e) Ne materna quidem propinquitas
Dei Matri profuisset, nisi felicius cor-
de quam carne gestasset.) Quare et si
dederit homo omnem substantiam
domus suæ pro tali dilectione, quasi
nihil despiciet eam: *Veniunt enim in a-
nimam omnia bona pariter cum illa, & in-
numtrabilis honestas per manus illius:* (f)
plenitudo quippe legis est Christi di-
lectio, & Christiformitas consumma-
ta

(d) Ier. 9. (e) Aug. lib. de Virg. cap. 3.

(f) Sap. 7.

ta , Christiani perfectio . Quid igitur vagaris per multa ô novitia pietas? Sollicita es & turbaris erga plurimas exercitationes& praxes: Porrò unum est necessarium, quidnam illud? Diligere JESUM, ipsaque dilectione Christiformari. Erras ut apiculæ solent, si nondum penitus agnovisti regem tuū; si autem agnovisti , protinus ad eum cogitationes , & affectus omnes tui convolabunt. Æquum est, ut primas apud nos curas quæ prima habentur obtineant , summasque sibi devotæ sollicitudinis partes Christus vendicit. Ipse quippe super omnes est. Habeat itaque medullam cordis nostri, reliquiae verò cogitationis diem festū agant sanctis ejus. Honor regis judicium diligit, nemo cogitetur frequenter, nemo diligatur ardentius, nemo colatur devotius; denique ut in Christiformitate summa salutis, ita sollicitudinis ac devotionis nostræ summa esto.

3. *Dispositio. Desiderium Christi-formitatis.*

Ardorem desiderii Patrum suspirantiū Christi in carne præsentia frequentissimè cogitans compungor, (a) & confundor in memetipso, & nunc vix contineo lacrymas: ita pudet temporis, torporisque miterabilium temporum horum. Cui namque nostrum tantum ingerat gaudium gratiæ hujus exhibitio, quantum veteribus sanctis accenderat desiderium promissio?) Nimirum nondum multis exhibitus est intus per formationem spiritus sui, qui foris exhibitus est per præsentiam carnis suæ. Quare desiderandum spiritu Patrum, eorumque voce dicendum(b) Osculetur me osculo oris sui. Quanto putas præcursorum Christi flagrasse hujus oculi desiderio, ex quo exultavit in gaudio infans? Ac mirare Dei exercentis consilium,

(a) Bern. Serm. 2, Cant. (b) Cant. 1.

filium, & Joannis exerciti patientiam.
Totis triginta annis desiderii vim
velut animæ suspendium passus, vidit
tandem sponsum amicus, & ad vocem
ejus stetit, audiit: ac vel hoc uno gau-
dium suum impletum fuisse & sensit,
& dixit. Cur tamdiu videri distulit
desiderium illud collum æternorum,
susprium Prophetarum, desideratus
cunctis gentibus, totus desiderabilis,
totus desideria? Ut excitaret vehe-
mens desiderium sui. (c) Ignis ante ip-
sum præcedet, & inflammabit in cir-
citu inimicos ejus. Oportet namque,
ut sancti desiderii ardor præveniat
faciem ejus, & ad omnem animam,
ad quem est ipse venturus, qui omnem
consumat rubiginem vitiorum, & sic
præparet locum Domino. Et tunc scit,
anima, quoniam juxta est Dominus,
cum se senserit illo igne succensam,
Magnis illis spiritibus animæ suspi-
rantis ac sine intermissione orantis, ac

B 7

præ

(c) Bern. serm. 2. Cant.

CHRISTIFORMITAS,
præ desiderio se afflictantis desidera-
tus ille magnus occurrit.) (d) Nam
desiderium sinus est cordis, & deside-
rando capaces efficimur. Sicut si vis
implere aliquem sinum vel facci vel
utris extendendo facis capaciorem.)
Quām vastum esse oportet capacem
Christi in se formati sinum! Differen-
do extendit Deus ac dilatavit Patrum
ac Joannis cor Meissiam expectantium.
Danieli exuli revelatus est dies ad-
ventus, quia vir fuit desideriorum, Si-
meoni & Annæ viduæ expectantibus
apparuit, quærenti Andream ac scire
aventi ubi habitet, ait: Veni & vide,
apud Zachæum manet, quia deside-
rio videndi suspensum è sycomoro
conspexerat. Denique gentilibus qui-
busdam spectandum se præbet, quia
per Philippum & Andream id expe-
tiverant. Age igitur Christum in te
formari si cupis, extende sinum cor-
dis, omnia suspiria tua Christo anhe-
lent, dic illud: Emitte Domine agnum
(d) Aug. tr. 4. ep. Ioan.

domi-

dominatorem terræ, (e) animæ meæ. Rorate cœli desuper, & nubes pluant justum.
(f) in cor meum, aperiatur terra pecto-
ris mei, & germinet salvatorem. Dic
cum Davide (g) Sit̄ivit in te anima mea,
quām multipliciter tibi caro mea, tibi ô
anima animæ meæ, ô caro mea & os
de ossibus meis Verbum caro : Dic
cum Discipulo quem diliebat JESUS,
Veni Domine IESU. (h)

(e) Isa. 16. (f) Isa. 45. (g) Ps. 62.
(g) Apoc. 22.

§. 4.

4. Dispositio. Petition, & Inter-
cessio Deiparae.

Quām fuit ardens Patrum ac Jo-
annis in primis desiderium præ-
sentiæ Christi, tam incensa fuit peti-
tio illius doni, cuius tanto decet esse
flagrantius votum, quanto majus est
donum. Perfecit opus Incarnationis
vox illa Deiparae omnipotens, Fiat
mihi secundum verbum tuum (a) Est &
hoc

(a) Bern. Hom. 4, de Virg.

CHRISTIFORMITAS,
hoc verbum orantis. Vult autem à se
requiri Deus, quod pollicetur, ut ex
promissione devotio excitetur: sicq;
quod gratis datus erat, devota ora-
tio promereatur. Sic pius Dominus,
qui omnes homines vult salvos fieri,
merita nobis extorquet à nobis, &
dum nos prævenit tribuendo, quod
retribuat gratis, agit ne gratistribuat.
Hoc utique prudens Virgo intellexit,
quando prævenienti se muneri gra-
tuitæ promissionis junxit meritum
suæ orationis, fiat, inquiens, *mihi secun-
dum verbum tuum.* Fiat mihi de Verbo
secundum verbum tuum.) Tu itaque
ora similiter, ut fiat in te Verbum Dei
mysticè Incarnatum. Christusq; spe-
ciali dilectione formetur. Atque ut
certius & facilius impetres, adhibe
mediatrixem, in qua sola factum est
Verbum personaliter incarnatum,
corporaliter inviceratum. (b) Est sa-
gitta electa amor Christi, quæ Mariæ
ani-

(b) Bern serm, 20. Cant,

animam non modò confixit, sed etiam pertransivit, ut nullam in Virginali pectore particulam vacuam amore relinqueret: aut certè pertransivit eam, ut veniret usque ad nos, & de plenitudine illa omnes accipemus, & fieret mater Charitatis, cuius Pater est charitas Deus. Et illa quidem in tota se grande & suave amoris vulnus accepit. Ego verò me felicem putaverim, si summa saltem quasi cuspidi de hujus gladii pungi interdum me sensero, ut vel modico accepto amoris vulnera, dicat etiam anima mea, vulnerata charitate ego sum. Quis mihi tribuat in hunc modum non modò vulnerari, sed & expugnari omnino usque ad exterminationem coloris & caloris illius qui militat adversus animam?) Tribuet Maria crebrò ac enixe rogata, & quos gladio doloris transverberata in Joanne Discipulo filios juxta crucem concepit, cum audiit: *Mulier, ecce filius tuus, eos obstetri-*

can-

42 CHRISTIFORMITAS
cantibus gaudiis , pariet dilectione
Christiformes; Sanè illius consensui,
concursuque materno, ac sollicitudi-
ni JESUM à nobis deberi voluit Deus.
Illi magna fecit qui potens est, ut magni-
tudinis factæ mensuram intelligas
fuisse potentiam facientis: Peream, &
ad ejus vocem gratia sanctificans col-
lata primùm à Christo est, nempe Jo-
anni in utero exultanti: quin etiam o-
ratu ejusdem primum gratiæ gratis
datæ ut vocant, ab eo editum signum
est, conversio scilicet aquæ in vinum.
(c) Adeo nihil nos Deus habere vo-
luit, quod per Mariæ manus non tran-
siret:) Et Christum, nisi per illam for-
mari in nobis speramus? Virgo est re-
gia ipsa via, per quam Salvator adve-
nit. (d) Tenentes ergò viam studea-
mus ad ipsum per eam ascendere, qui
per ipsam ad nos descendit , per eam
venire in gratiam ipsius, qui per eam

in
(c) Bern. serm. 3. vigil. Nat. (d) Bern.
serm. 2. de Adv.

in nostram miseriam venit. Per te accessum habeamus ad Filium, ô benedicta, inventrix gratiæ, genitrix vitæ, mater salutis, ut per te nos suscipiat, qui per te datus es nobis, & fœcundastua gloria fœcunditatem nobis tribuat meritorum : fac ô benedicta per misericordiam quam peperisti, ut quite mediante fieri dignatus est particeps infirmitatis & miseriarum nostrarum, te quoque intercedente participes faciat nos gloriæ suæ, & Christiformes Jesus Christus filius tuus Dominus noster.)



INCAR-